


Augsburg, 22. Juli 1569

An Johannes Crato von Krafftheim

UB Breslau, Ms. 9820 (Rehdigeriana 246), Nr. 340 (fol. 451r-v).

Clarissimo viro, ingenio, virtute, doctrinaque nobili, D. Ioanni Cratoni à Crafthaim, C[aesareae] M[aiestatis] archiatro, sacri palati Comiti. Domino et patrono suo colendo. Wien. S. Cum alias vitae humanae vanitates, tum verò κενοσπουδίαν meam τυπογραφικήν, aliàs doleo, aliàs rideo: ab eaque tanquam importuna et agresti domina quamprimum profugere cupio: eoque magis, quod et typographi subinde me frustrantur, moram ex moram ineptissimis de causis nectentes: et periculum est, ne breui eneruata et exossata brachia, et nodosi digiti, omni me sua ope destituant. Conquiescere tamen priusquam Demosthenem, Aeschinem, Vlpianum et reliquas nugas nonnihil expolitas, Musaeo meo eiecero, non possum. Neque hoc studium meum tam deterrent captatores illi reprehensionum, et exagitatores erratorum, quam grati animi atque vtilitates studiosae adolescentiae incitant. Huic meus omnis desudat labor: non Zoilis et Momis: de quorum improbitate in speciminis Demosthenici ad fratrem meum prooemio conquestus, posthac illos negligere et contemnere statui, et, inter pueros β καὶ α λέγων ἡ καταγηράσκειν, ἡ ἐκ τοῦδε βίου εἰς ἔτερον ἀσυκοφάντητον καὶ ἀταλαίπωρον, σὺν θεῷ μετοικεῖν. Paradoxis meis abundè relata gratia est, si ea in tuo nomine apparuisse non molestè fers. Praefationem Isocraticam ad Caesarem, retinere decreui: quod nouam meditari mihi grauissimum est. Commentarios inscripsi scholarchis nostris, qui mihi noti atque amici sunt, deque me bene merentur. Ab aula abhorreo, et tutius in schola delitesco. πόρρω Διὸς ἥδε κεραυνοῦ. Deus me alet, vti spero, etiam sine istis congiarijs aulicis, quae saepè plus habent verborum quam rerum. Valetudo Andreae Iocisci, doctiss[imi] et officiosiss[imi] viri valde me excruciat, verentem, ne diuturnitate grauiss[imi] morbi conficiatur. Ab eo hic literarum fasciculus ad me missus est.



Η transit per ♀
 ♁ per XII
 ♂ per VI et ♀
 per ♀ et suum ♂

Profectiones

Η ὑψωθεὶς: ♁ ♂ ἀλληλόξενοι ἐκ τῶν ταπεινομάτων ☽ οἰκοδεσπότης ♀ τριγωναρχοῦσα ♀ ὑψωθεὶς, ξενίζων τὸν ☽ καὶ τὴν ☽, καὶ σχεδόντοι καὶ τὸν ☽^{ioy}.

Reuolutio haec, vereor ne mihi πραγματείας ἱεροτυραννικὰς afferat. Caetera quae portendit, nihil habere noui puto. Sed requiro E. T. coniecturas, cui me commendatum esse cupio. Augustae 22. Iulij 1569.

Hiero[nymus] Wolfius.